

宋詩紀事

宋詩紀事

宋詩紀事卷三十七

錢唐 厲鶚 輯

歙 汪日煥 勘定

曾幾

幾字吉甫贛縣人徙河南以兄彌恤恩授將仕郎
試吏部優等賜上舍出身歷校書郎高宗朝歷江
西浙西提刑與秦檜不合去位僑寓上饒居茶山
寺自號茶山居士檜死召為祕書少監權禮部侍
郎提舉玉隆觀致仕卒謚文清有集

詩人玉屑唐人詩喜以兩句道一事茶山詩中多用此體如又從江北路
重到竹西亭若無三日雨那復一年秋似知重九日故放兩三花次第繙
經集教兒理在亡又得新詩句如聞警歎音如何萬家縣不見一枝梅此
格亦甚省力也又云陸放翁詩本于茶山故趙仲白題曾文清公詩集云

清于月出初三夜澹似湯烹第一泉咄咄逼人門弟子劔南已見一燈傳
謂放翁也然茶山之學亦出于韓子蒼三家句律大槩相似至放翁則加
豪矣

汪彥章內翰除守臨川以詩賀之

臨川內史詔除誰里巷傳聞報客知金馬門深曾草制水
精宮冷近題詩行看畫隼旌旗入定把書麟筆札隨若訪
毘耶舊居士無人問疾鬢成絲

三衢道中

梅子黃時日日晴小溪泛盡卻山行綠陰不減來時路添

得黃鸝四五聲

以上前賢小集拾遺

題訪戴圖

小艇相從本不期剡中雪月並明時不因興盡回船去那

得山陰一段奇

賓退錄

茶山

似病元非病求閑方得閑殘僧六七輩敗屋兩三間野外
無供給城中斷往還同行木上坐相與住茶山

清波雜誌

謝路憲送蟹

從來歎賞內黃侯風味尊前第一流祇合蹒跚赴湯鼎不
須辛苦上糟丘

娛書堂詩話內黃侯甚新

雪中登王正中書閣

對雪誰堪語登樓似欲仙人家修月戶丈室散花天峰疊
鉤簾外江橫隱几前寒深落雁渚清集釣魚船解病從摩

詰消愁得仲宣展書明細字烹茗溼疎煙月好還同夢詩
成已下弦明年儻相憶爲一到關邊瀛奎律髓

諸人見和返魂梅再次韻

蠟炬高花半欲摧斑斑小雨學黃梅有時燕寢香中坐如
夢前村雪裏開披拂故令攜袖滿橫斜便欲暎窗來重簾
幽戶深深閉亦恐風飄不得回

瀛奎律髓製香者合諸香令氣味如梅花號之曰返魂梅詩中數句善形容前村雪裏橫斜映窗等語挽而歸之于所聞之香既雅潔又標致

壬戌歲除作明朝六十歲矣

禪榻蕭然丈室空薰銷火冷閉門中光陰大似燭見跋問
學祇如船逆風一歲臨分驚老大五更相守笑兒童休言
四十明朝過看取霜髯六十翁

瀛奎律髓此紹興十二年壬戌也

遊張公洞

張公洞府未著腳向人浪說遊荆溪欲看直上翠羽蓋不
惜扶下青雲梯勁風翻動土囊口暗水流出桃花蹊卻將
深處問兒輩一夕飛夢窮攀躋

發宜興

老境垂垂六十年又將家上鐵頭船客畱陽羨祇三月歸
去玉溪無一錢觀水觀山都廢食聽風聽雨不妨眠從今
布韞青鞵夢不到張公卽善權

宜興邵智卿天遠堂

目極雲沙靜渺然邵卿風月過年年雁行滅沒山橫晚漁

艇空濛水接天南國棠陰春寂寂東風瓜蔓日綿綿問君
許作鄰翁否陽羨溪邊卽買田

以上咸淳毘陵志

聞李泰發參政得旨自便將歸以詩迓之

苦遭前政墮危機二十餘年詠式微天上謫仙皆欲殺海
濱大老竟來歸故園松菊猶存否舊日人民果是非最小
郎君今弱冠別時聞道不勝衣

菊坡叢話

送倉部呂治先守齊安

倉部名大器字治先茶山之婿是生東萊先生成公者

齊安剖竹要循良分付吾家坦腹郎賸有江山連赤壁終
稀獄訟到黃堂鈴齋晝永宜深念邊瑣秋高合過防此地
元之遺烈在風流容易鬢毛蒼

曹氏歷代詩選

堂字公明眉山人舉進士爲駕部郎中善畫墨竹
題成都笮橋觀音院自畫竹

無姓無名逼夜來院僧根問苦相猜攜燈笑指屏閒竹記
得當年手自栽

畫繼

翟汝文

汝文字公巽丹陽人舉進士累官浙東安撫使紹興初拜翰林學士參知政事卒門人私謚忠惠先

生有集

焦山

水輪依風負坤輿百川東流同灌輸掀巾之陂莽吞受沃
焦之山初不濡雲根終久插江湖狂瀾滔天隨卷舒空神

迴標避突兀海門排霄岌相扶僧居蠓山迷向背佛宇蜃
氣成吹噓我游元冬崖壑枯洪濤濺雨吹裳裾風來駕潮
愁海若溟漲跋浪翻鯨魚虞淵咸池相蕩潏月阿日窟漂
方隅此身浮漚一緣聚四大溼相彌空虛鍼鋒懸持妙喜
住蟲睫坐睨焦螟居山中老禪眼於菟香飯遣化分彫胡
重淵垂涎舞蛟首方丈宴寢凝熏爐夜寒月黑照濁水乞
取壤納摩尼珠

京口三山志

句

青女霜如失黃人日故遲

困學紀聞符瑞圖曰一黃人守者外國人來降翟公巽云云

張擴

擴字彥實一字子微鄱陽人崇寧中進士南渡歷

中書舍人有東窗集

約兄楚材西湖觀梅次韻

天上新驂寶輅回看花仍趁雪英開折歸忍負金蕉葉笑
插新臨玉鏡臺女堞未須翻角調錦囊先喜助詩材少蓬
自是調羹手葉底應尋好句來

揮塵餘話彥實知廣德軍秩滿造朝除著作郎其兄楚材為祕書少監彥實約觀梅西湖楚材有詩彥實次韻云云時楚材再婚故及玉鏡臺事繫會之見之大稱賞曰旦夕當以文字官相處遷擢左史再遷而掌外制

戲成二毫筆絕句

包羞曾借虎皮蒙筆陣仍推兔作鋒未用吹毛強分別卽

今同受管城封

揮塵餘話楊原仲與彥實並居西掖代言多彥實與之潤色偶成一毫筆
絕句原仲以爲誚已愬之會之詠言路彈之彥實罷爲官祠

送顧景繁暫歸浙西

牆頭飛花如雪委牆根老柳絲垂地春正濃時君不畱山
路曉風鳴馬箠濤江入眼浪千尺想見吳儂問行李田園
久荒漫檢校親舊相逢半悲喜行朝諸公訪人材故人新
賜尚書履袖中有策則可陳君亦因行聊爾耳

贈顧景繁

顧侯風味更嚴苦家貧鬪辦三韭菹龜腸撐突五千卷底
用會稗箋蟲魚

虎頭文字逼前輩袞袞顛蒙分尺素天閑老驥日千里何

川鹽車追蹇步

以上中吳紀聞

蘇州人樂軍中歌士南齊

詠曾徽言端硯

君家文房珍尤者一
一數端溪從誰得不記歲月古中窪
削天成外鑿餘雷斧向來萑葦中險作百碎補

硯箋

蔡居厚

居厚字寬夫熙寧御史延熙子第進士大觀初拜

右正言累官徽猷閣待制有詩話

句

先生萬古名何用博士三年穴不治

為太學博士和人韻

梅磳詩

宋

肇

肇字楸宗巫山令與蘇黃游

杜鵑

半劍亂雲風林雨對野

暖雲無定半陰晴茅屋紙窗深復明喬木參天竹千莖巴
山欲曉風露清杜鵑飛鳴遶江城魚腹四月江水生林花
落盡空含情灑東灑西朝暮聲

全蜀藝文志

三峽堂

林巒十里上巉巖飛檻初憑縹緲閒夔子風烟依白帝夜
郎耕稼接烏蠻砌橫亂石遙臨淵閣對高峯近帶山咫尺
驚湍吁莫測每來登此念鄉關

白帝城

江雨霏霏白帝城秋草未枯春草生古來獸豸如雲橫萬
里瞿塘斷人行至今三峽路崢嶸時清不見更屯兵荒涼
廢堞沒春耕但見牛羊日西平

以上四川總志

宋京

京成都人崇寧進士

琴臺

蜀事補亡

君不見成都郭西有琴臺長卿遺跡埋黃埃千年免為狐
 兔窟化作佛廟空崔嵬黃鬚老人猶記得昔時荒破樵蘇
 入鉏犁畏淺牛腳勻古甕耕開數逾十乃知昔人用意深
 甕下取聲元為琴人琴不見甕已掘唯有烏雀來悲吟一
 朝風流隨手盡况復千年何所訊安得雄辭弔汝魂寂寞
 秋蕪耿寒燐

武擔

君不見蜀王妃子墓突兀成都城中若山積墓頭寒鏡澀

無光如月欺烟化為石鴻荒無根憑野史直謂山妖化妃
 子臨終未免懷首工運土山中葬于此山名武擔錦江邊
 用是得名千萬年如今佛閣倚空翠老木盤鬱摩蒼天晴
 雲入穴西山出捲簾坐見嵐光滴安得文如汲冢書龟使
 後人疑往昔

以上成都文類

徐承通
 遜閩人崇寧中特奏名仕至朝官知廣德軍
 瓊林宴罷作
 白髮青衫晚得官瓊林宴罷酒腸寬平康過盡無人問
 得宮花醒後看

墨莊漫錄崇寧二年徐為特奏名魁時已老矣赴聞喜賜宴于瓊林苑歸
 騎過平康同年所簪花多為羣倡所求唯適至寓花乃獨存因戲題一絕

蔣存仁

存仁崇寧別青田人

題八角亭

在青田縣南陳安撫汝錫建

由來祇說四簷亭今日先生八角成最喜瀟瀟春夜雨一

簷分作兩簷聲

括蒼彙紀

葛繁

晏宮中繁丹徒人興祖子號鶴林居士崇寧閒臨穎主簿

莫恣工守鎮江

題雪竇和尚親書偈後

真機昔振雲門路祖席今多雪竇孫傳到慧林花果盛須

知葉落總歸根

志雅堂雜鈔